

光緒癸巳鑄

經方歌括

芸經堂藏板

序

醫之有方猶工之有規矩繩墨也工舍規矩繩墨必不能
成器醫舍方必不能愈疾方之爲用大矣顧靈樞素問詳
於鍼灸而略於方藥除雞矢醴半夏秫米湯等節外無方
難經闡內經之旨而補其所未備亦有法無方至漢張仲
景著傷寒論金匱玉函經專以湯藥治病始有法有方是
醫方之祖實推仲景或謂仲景方非必仲景所製皆出於
商伊尹湯液經而伊尹湯液經又皆出於上古卽所謂經

方也夫曰經方則洩造化陰陽之秘明生尅制化之理實
千聖相傳之遺宜爲萬世所不易矣胡宋元而後異學爭
鳴妄自立方蠱惑後世而世之業醫者反樂其淺易而從
之浸淫至今錮蔽愈甚如癥瘕堅結牢不可破勢且不知
仲景之爲何如人又安知經方之爲何如方醫道之壞至
於此極賴時賢徐靈胎陳脩園輩起而倡明之其各種著
述不啻大聲疾呼振聾啟聵近亦漸有沉溺知反者奈經
方藥品之多寡不齊分兩之輕重各異煮法服法皆有精

意存乎其間自非強記過人者恐未能一一背誦不忘也
脩園憫之作長沙方歌金匱方歌以惠世但每方作歌一
首而每首必拘於聲韻方名亦未能標出其有加減者又
另附一歌於方後立意雖善恐初學熟讀之餘藥品分兩
不爽毫釐而問以方名或茫然不辨也

余

不揣固陋因其

意而編輯之不拘於詩律之法惟取稍叶韻語每首必先
提出方名同類之方隨便彙入加減之法卽附於中藥品
分兩備具無遺煮法服法亦註於下復採諸家方解載於

後間亦竊附鄙見分爲上下二卷惟傷寒方略依徐氏類
方序次金匱方概依原文其重見互見者不備錄非第省
文且便記誦也學者熟復於此以之治病縱不能幾於十
全亦必無偏規錯矩改施削墨之誚矣倘能由經方而窮
究經旨於以升堂入室而神明變化焉直將胥天下而登
於仁壽之域也生民豈有天札之患哉

同治十年歲在辛未孟夏月佛生後二日黃鈺自序於芸
經堂之醉香齋

攷

錢天來云漢之一兩卽今之二錢七分也一升卽今之二合半也江苓友云古云銖者六銖爲一分卽二錢半二十四銖爲一兩也云一升者卽今之大白盞也古方全料謂之一劑三分之一謂之一服凡用古方先照原劑按今之馬子折實若干重古方載三服者只取三分之一遵法煎服載兩服者宜分兩次服之頓服者取一劑而盡服之只要按今之馬子折之至大棗烏梅之類仍照古方枚數以

馬子有古今之不同而果枚古今無異也

程扶生云古今度量惟漢最小漢之一兩惟有今之三錢半強故千金本草以古三兩爲今一兩古三升爲今一升然世有古今時有冬春地有南北人有強弱大約古用一兩今用一錢足矣宜活法通變不必膠柱而鼓瑟則爲善法仲景者矣

陳脩園曰諸說頗有異同大抵古之一兩今折爲三錢不泥於古而亦不離於古也

徐靈胎曰煎藥之法最宜深講藥之效不效全在乎此夫
烹飪禽魚羊豕失其調度尙能損人况藥專以之治病而
可不講乎其法載於古方之末者種種各殊如麻黃湯先
煮麻黃去沫然後加餘藥同煮此主藥當先煎之法也而
桂枝湯又不必先煎桂枝服藥後須歠熱粥以助藥力又
一法也如茯苓桂枝甘草大棗湯則以甘瀾水先煎茯苓
如五苓散則以白飲和服服後又當多飲煖水小建中湯
則先煎五味去渣而後納飴糖大柴胡湯則煎減半去渣

再煎柴胡加龍骨牡蠣湯則煎藥成而後納大黃其煎之多寡或煎水減半或十分煎去二三分或止煎一二十沸煎藥之法不可勝數皆各有意義大都發散之藥及芳香之藥不宜多煎取其生而疎盪補益滋膩之藥宜多煎取其熟而停蓄此其總訣也

徐靈胎曰病之愈不愈不但方必中病方雖中病而服之不得其法則非特無功而反有害此不可不知也如發散之劑欲驅風寒出之於外必熱服而煖覆其體令藥氣行

於營衛熱氣周徧挾風寒而從汗解若半溫而飲之仍當
風坐立或僅寂然安卧則藥留腸胃不能得汗風寒無暗
消之理而營氣反爲風藥所傷矣通利之藥欲其化積滯
而達之於下也必空腹頓服使藥性鼓動推其垢濁從大
便解若與飲食雜投則新舊混雜而藥氣與食物相亂則
氣性不專而食積愈頑矣故傷寒論等書服藥之法宜熱
宜溫宜涼宜冷宜煖宜急宜多宜少宜早宜晚宜飽宜饑
更有宜湯不宜散宜散不宜丸宜膏不宜丸其輕重大小

上下表裏治法各有當此皆一定之至理深思其義必有
得於心也

經方歌括卷上目錄

序文

攷

目錄

傷寒方

桂枝湯類

彙入金匱六方共二十四方

桂枝湯

桂枝加葛根湯

桂枝加附子湯

桂枝去芍藥加附子湯

桂枝去桂加茯苓白朮湯

桂枝加厚樸杏仁湯

桂枝加芍藥

生薑
人參

新加湯

桂枝加桂湯

桂枝去芍藥加蜀漆龍骨牡蠣救逆湯

桂枝加芍藥湯

桂枝加大黃湯

栝樓桂枝湯

以下金匱方

桂枝加龍骨牡蠣湯

桂枝加黃耆湯

烏頭桂枝湯

陽旦湯

以上金匱方

小建中湯

黃耆建中湯

金匱方

桂枝甘草湯

茯苓桂枝甘草大棗湯

桂枝甘草龍骨牡蠣湯

桂枝麻黃各半湯

桂枝二麻黃一湯

桂枝二越婢一湯

麻黃湯類

彙入金匱二一方共八方

麻黃湯

麻黃加朮湯

金匱方

麻黃杏仁甘草石膏湯

大青龍湯

小青龍湯

小青龍加石膏湯

金匱方

麻黃附子細辛湯

麻黃附子甘草湯

葛根湯類 共三方

葛根湯

葛根加半夏湯

葛根黃芩黃連湯

柴胡湯類 共六方

小柴胡湯

柴胡加芒硝湯

柴胡加龍骨牡蠣湯

柴胡桂枝湯

柴胡桂枝乾薑湯

大柴胡湯

梔子湯類 彙入金匱一方共八方

梔子豉湯

梔子甘草豉湯

梔子生薑豉湯

梔子厚樸湯

梔子乾薑湯

梔子蘗皮湯

枳實梔子豉湯

梔子大黃湯

金匱方

瀉心湯類

共十一方

半夏瀉心湯

生薑瀉心湯

甘草瀉心湯

大黃黃連瀉心湯

附子瀉心湯

黃連湯